

ԱՎՂՈՒՌ, ՄՅՈՒՐԻՇԵՆ. ԵՐԵԿ, ԱՅՍՕՐ, ՎԱՊԸ


Ավղոտ եւ Մյուրիշեն գյուղերը գտնվում են Արցախի Մարտունու շրջանի հյուսիս-արեւմտյան սահմանագլխին: Մինչեւ վերջին երկու-երեք տարին այդ գյուղերը արտաքին աշխարհի հետ կապված էին միակ ճանապարհով, որը անցնում է հարեւան Աղղամի շրջանի Գիլափլու գյուղով:

Այժմ Ստեփանակերտ - Հարավ ճանապարհը երկարաձգվել է մինչեւ Մյուրիշեն-Ավղոտ-Հացի-Մարտունի, սակայն անձրեւների ժամանակ ճանապարհը ցեխանում է եւ Ավղոտ, Մյուրիշեն գյուղերը մնում են կտրված արտաքին աշխարհից: Ավղոտ անունը հավանաբար ծագել է «Աղվանանց դոտ» անվանումից: Բացի այդ, Ավղոտը հարեւան է Հացի գյուղին, որտեղ գտնվում է Անահիտի աղբյուրը, որից, ըստ ավանդույթի, ջուր է խմել Աղվանանց աշխարհի թագավոր Վաչագանը: Ըստ որոշ պատմաբանների, Ավղոտ գյուղը հնում գտնվել է ուրիշ տեղում՝ արեւմուտքում, Պողոսի ամրոցի (Պողոս-ղալա, որ հիմա ավերված է) մոտակայքում՝ Ավղոտ-Սկնա անվանումով եւ տեղափոխվել այժմյան տեղը: Մի առասպել պատմում է, թե ավղուցիները տեղափոխել են ներկայիս տեղը, որովհետեւ նախկինի շրջակայքում թռչող օձ է հայտնվել: Ուրիշներն էլ ասում են, թե Ավղոտ գյուղը ինչպես կար, այնպես էլ մնացել է իր տեղում, տեղափոխվել է միայն Սկնա գյուղը: Գյուղի գերեզմանոցում 8-ից 10-րդ դարերի շիրմաքարեր կան:

Ավելի հավանական է թվում այն վարկածը, ըստ որի հանդամասերի անվտանգությունն ապահովելու համար երկու գյուղերը միավորվել են եւ ամրացել ներկայիս աշխարհագրական առավել բարենպաստ դիրք գրավող տեղում:

Աղղամի կողմից Ավղոտ-Մյուրիշենի ձորակը կարելի է մտնել միայն մի տեղով՝ գետի հունի ուղղությամբ, մնացած կողմերն անմատչելի են:

Ըստ ավանդության, ավղուցի մի մեծահարուստ՝ գյուղը բաշխողուկների հարձակումներից պաշտպանելու նպատակով, տեղի երիտասարդությանը համախմբել է, կազմել մի ուժեղ բունցք, եւ կազմակերպված ձեռով վերահսկել ամբողջ ձորակի 8-9 կմ երկարությամբ եւ 6-7 կմ լայնությամբ տարածքը: Ավանդությունը պատմում է, որ այդ հիշարժան մեծահարուստ ավղուցին այդ նպատակի համար նվիրաբերել է 170



Երեւանից 20 կմ հեռավորության վրա

երինջ, 200 տակառ օղի եւ մոտ 1000 տակառ գինի:

Մինչեւ խորհրդային կարգերի հաստատումը Ավղոտ եւ Մյուրիշեն գյուղերը ծաղկել եւ բարգավաճել են:

1918-20 թվերին գյուղերի բնակչությունը կարողացել է կազմակերպել ամուր ինքնապաշտպանություն (հարյուրապետ Թեմուր Ավանեսյանի գլխավորությամբ) եւ նույնիսկ Նուրի-փաշայի զորքերը չեն կարողացել ներթափանցել գյուղերը:

Գյուղերի քայքայումն սկսվել է 20-ական թվականներից եւ շարունակվում է առ այսօր: Բավական

է նշել, որ Աշխարհում (Թուրքմենիս) ապրում են նախկին ավղուտ-մյուրիշենցիների մոտ հինգ հարյուր ընտանիք, իսկ թե ինչքան են սփռված երկրի տարբեր ծայրերում, ոչ ոք ստույգ տեղեկություններ չունի:

Ավղոտ-Մյուրիշենի ձորակը կազմում է մոտ 5,5 հազար հեկտար, որը պատված է դարավոր անտառներով, մրգատու այգիներով, ալպիական արոտավայրերով եւ վարելահողերով: Զորակով հո-

տում է գետակ, որը մինչեւ 50-ական թվականները աշխատեցնում էր 7 ջրաղաց (այդ թվում եւ աղբրեջանական Գիլափլու գյուղի 3 ջրաղացը): Մինչեւ վերջին երկու-երեք տարիները ավղուտ-մյուրիշենցիների հարաբերությունները հարեւան աղբրեջանական Գիլափլու եւ Ավղալ գյուղերի բնակիչների հետ բարեկամական էին (կարծիք կա, որ այդ գյուղերի բնակիչները մուսուլմանացված հայեր են), իսկ այժմ դրանք անջատված են անանցանելի խանդակներով: Ծիշտ է, աղբրեջանաբնակ գյուղերի հետ ոչ մի շփում չկա, քայքայեցր է ասել, որ տեղաբնակներն

իրար նկատմամբ վրեժխնդրության առանձին պատճառներ չունեն, չընայած ավղուտ-մյուրիշենցիների դժգոհությունը հարուցող անասագողությանը:

Գիլափլու-ավղալցիները պնդում են, թե իրենք մեղք չունեն, այդ ամենը եկվորների գործն է: Այնուամենայնիվ գողությունները շարունակվում են: Դեռ ավելին, Ավղալի կողմից գնդակոծվում են Ավղուտի տները, հատկապես երեկոյան ժամերին:

Ավղոտ-Մյուրիշենը ներկայումս մոտ 90-100 ծուխ ունի, բնակիչների մեծամասնությունը թոշակառուներ են: Գյուղերը զուրկ են ճանապարհներից, ջրամատակարարումից, ոռոգման համակարգից:

Էլեկտրականությունը հաճախակի անջատվում է՝ գյուղերը պատելով խավարով:

Գազաֆիկացում չկա, չնայած գազամուղն անցնում է 2-3 կմ հեռավորությամբ: Բնակիչները գործածում են հեղուկ գազ, սակայն այն այժմ չի մատակարարվում: Գյուղերը հարուստ են պտղատու այգիներով, հատապտուղներով, բանջարեղենով, սակայն պահածոներ պատրաստելու համար անհրաժեշտ ամենատարրական հարմարություններ անգամ չկան: Երկու գյուղերին սպասարկում էր էլեկտրական մեկ ալյուրաց, սակայն արդեն մի քանի տարի է այն անգործությունից քայքայվում է՝ աղացաքար չունենալու պատճառով:

Գյուղերի անտառները հարուստ են փայտանյութով, շրջակայքում կան քարհանքեր, ավազահանքեր, կավահանքեր, սակայն այդ ամենը անտեղ-անտիրական է մնացել: Զորակում հոսող գետի ջրերը անօգուտ հոսում-կորչում են, հարեւան հանրապետության տարածքում:

Ամեն տարի հազարավոր տոննաներով մասուր, սալոռ, գլեռ,

պնդուկ, ընկույզ, վաչրի տանձ, խնձոր, մամուխ եւ այլ հատապտուղներ են փչանում անտառներում, իսկ գյուղացիները չեն կարողանում նույնիսկ իրենց այգիների մրգերը հավաքել կամ եթե հավաքում էլ են, չեն կարողանում տեղափոխել, վաճառել, դրանք փչանում են: Անցյալ տարի Արցախի տարածքում չորացան համարյա բոլոր ընկուզենիները: Ավղոտ-Մյուրիշենի ձորակը հարուստ է ընկուզենիներով, որի փայտը թանկարժեք է, սակայն տեղացիները այն օգտագործում են միայն որպես վառելիքայտ:

Ասածից պարզ է, թե ինչքան բնական հարստություն կա Ավղոտ Մյուրիշենի ձորակում, սակայն այսօր գյուղացիներն ապրում են կարիքի մեջ, քանի որ սրտացավ, ձեռներեց մարդկանց կարիք, աշխատուժի պակաս ունի, չկան միջոցներ եւ մեխանիզմներ, չկա խաղաղ եւ ապահով աշխատանքի հնարավորություն, գյուղն անհուսորեն կտրված է աշխարհից: Կապը սոսկ հեռախոսն է, որի գեծերն էլ, որ հատում են անտառը, քամիների ու տեղումների ժամանակ փաթաթվում են ծառերին, եղած կապը խզում:

Եթե նույնիսկ ուրիշ ոչինչ չլիներ, միայն դեղաբույսերի առատությունը կարող էր պահել այդ ձորակը, միայն թե դրա համար հնարավորություններ ստեղծվեին:

ԷՂՈՒԱՐԴ ՄԿՐՏՈՒՄՅԱՆ

Խմբագր.- Միամտություն կլիներ մտածել, որ Հայաստանում եւ ԽՍՀՄ-ում ապրող բոլոր ավղուտեցիները եւ մյուրիշենցիները կբթողեն ամեն ինչ ու կվերադառնան իրենց պապերի երկիրը: Սակայն վստահ ենք՝ այս հողվածը կարողալուց հետո գեթ մի հոգի կարձագանքի ու կվերադառնա-